

ԼԵՎՈՆ ՍՏԵՓԱՆԻ ԽԱՉԻԿՅԱՆ

Հայ ժողովուրդը, Սովետական Հայաստանի գիտությունը և մշակույթը մեծ կորուստ կրեցին: 1982 թ. մարտի 12-ին վախճանվեց անվանի պատմաբան և բանասեր-աղբյուրագետ, Մաշտոցի տնվաճ Մատենադարանի տնօրեն, ՀՍՍՀ գիտությունների ակադեմիայի իսկական



անդամ, հանրապետության գիտության վաստակավոր գործիչ, պատմական գիտությունների դոկտոր, պրոֆեսոր Լևոն Ստեփանի Խաչիկյանը:

Լ. Ս. Խաչիկյանը ծնվել է 1918 թ. մայիսի 1-ին, Երևանում, ժառանգորդ ընտանիքում:

1935—1940 թթ. ուսանել է Երևանի պետական

համալսարանում: Այն ավարտելուց հետո

1940 թ. անցնում է աշխատանքի Մատենադարանում և նվիրվում հայերեն ձեռագրերի ուսում-

նասիրման դժվարին ու շնորհակալ գործին: Լի-

նելով ակադ. Հ. Մանանդյանի աշակերտը, նա

շարունակում է դասական հայագիտության լա-

վագույն ավանդները, իր ուժերն ու տաղանդը

նվիրում հայ ժողովրդի շուտամնախրված էջերի

լուսաբանմանը: Արդեն երիտասարդ տարիքում

նա դառնում է հայ միջնադարագիտության

հեղինակավոր մշակներից մեկը: 1954 թ.

Լ. Ս. Խաչիկյանը նշանակվում է Մատենադարանի տնօրեն և 28 տարի անընդմեջ՝ մինչև իր

կյանքի վերջը ղեկավարում այն, իր շուրջը հա-

մախմբելով միջնադարյան մատենագրության

և հոգևոր մշակույթի տարբեր բնագավառներով

զբաղվող մասնագետներին, ծավալում եռանդով աշխատանք՝ ձեռագրի մատյանների հավաքման, ուսումնասիրման և հրատարակման ասպարեզում: Այդ տարիներին լրիվ բացվում է Լ. Ս. Խաչիկյանի, որպես գիտության կազմակերպչի, տաղանդը: Անձնական օրինակով և նպատակասլաց ջանքերով Լ. Ս. Խաչիկյանն ըստ ամենայնի նպաստում է հայ ձեռագրական մշակույթի՝ գիտության ժամանակակից մակարդակին համապատասխան հետազոտությունների ծավալմանը, բնագրերի, մենագրությունների, մանրանկարչական ալբոմների հրատարակմանը, որը բերում է Մատենադարանին համամիութենական և համաշխարհային հռչակ ու հեղինակություն:

Իր զբաղմունքիվ հոգովածնելով ու մենագրություններով, բնագրագիտական աշխատություններով Լ. Ս. Խաչիկյանն օրինակ և շափանիչ էր ձեռագրերի աշխարհը մտնող և միջնադարյան Հայաստանի պատմությանը ու մշակույթով զբաղվող մասնագետների համար: Նրա հրատարակած XIV—XV դդ. «Հայերեն ձեռագրերի հիշատակարանների» լորս սովորածավալ հատորները երևելի էին սովետահայ պատմագիտության և աղբյուրագիտության մեջ: Նրանք լրացրին այդ ժամանակաշրջանի հայ պատմագրության կարևոր բացը և մեծագույն նպաստեցին միջնադարյան Հայաստանի քաղաքական, տնտեսական և մշակութային կյանքի լուսաբանմանը: Մեծ հետաքրքրություն էր ցուցաբերում Լ. Ս. Խաչիկյանը միջնադարի հասարակական շարժումների, քաղաքական կյանքի և գյուղական համայնքի պատմության հարցերի նկատմամբ (սփռքը Հայքի սոցիալական շարժումների պատմությունից, 1951, «Աղանդավորական գաղափարախոսությունը Հայաստանում 12—14-րդ դարերում», 1947, «14—15-րդ դարերի հայկական գյուղական համայնքի մասին», 1958, «Երզնկա քաղաքի «Ներքաթ» միութեն» կա-

նոնադրությունը, 1962)։ Նա լուսարանել է Սյունիքի, Համշենի և Արտազի ավատական տեների պատմությունը՝ շաղկապված մշակութային կյանքի հետ («Սյունյաց Օրբելյանների Բուրթեյան Հյուլը», 1969, «Էջեր Համշենահայ պատմությունից», 1969, «Արտազի հայկական իշխանությունը և Մործորի դպրոցը», 1973)։ Լ. Ս. Խաչիկյանի մի շարք աշխատություններ նվիրված են հայ հնագույն դպրության հարցերին («Եդիշի Արարածոց մեկնությունը», 1945, «Նախամեսոպոտամյան գրի հարցը և հմայագրերը», 1963, «Գրիգոր Պարթևին վերադրված հարցումը», 1964), ինչպես նաև միջնադարյան հայ գաղթավայրերի և վաճառականության պատմության անհայտ էջերին («Հայկական գաղթավայրերը Ուկրաինայում 16—17-րդ դարերում», 1954, «Նոր նյութեր կիևի հին հայկական գաղութի մասին», 1961, «Սարգիս արքայի Ուլեգրությունը», 1970 և այլն)։ Լ. Ս. Խաչիկյանի գիտական ժողովրդական մեջ զգալի տեղ են գրավում միջնադարի հայ կրթական կենտրոնների և գիտական մտքի պատմության հարցերին նվիրված հետազոտությունները («Գլաձորյան համալսարանը և նրա սաների ավարտական ատենախոսությունները», 1946, «Դիսհերձումները հին Հայաստանում», 1947, «Մատթեոս Զուղայեցու կյանքը և մատենագրությունը», 1956, «Հովհաննես Փոնցու բերականությունը», 1977 և այլն)։

Լ. Ս. Խաչիկյանը որպես հեղինակ և խմբագիր գործում մասնակցություն է ունեցել կոլեկտիվ աշխատությունների ստեղծմանը. եղել է «Բանբեր Մատենադարանի» գլխավոր խմբագիրը, «Հայ ժողովրդի պատմություն» ակադեմիական բազմահատորյակի և «Հայկական սովետական հանրագիտարանի» խմբագրական կոլեգիաների անդամ։ Նրա հմուտ խմբագրությամբ լույս են տեսել տասնյակ մենագրություններ և միջնադարյան բնագրերի քննական հրատարակություններ ու թարգմանություններ։

Մեծ է Լ. Ս. Խաչիկյանի ավանդը նաև գիտական կադրերի պատրաստման գործում։ Նրա ղեկավարությամբ դասերտացիա պաշտպանած գիտությունների շատ դոկտորներ և թեկնածուներ այժմ աշխատում են հանրապետության տարբեր գիտական և ուսումնական հաստատություններում։ Նա մեծ շանքեր է գործադրել Մատենադարանը նոր երիտառարգ կադրերով ապահովելու, հայ ձեռագրագիտության և միջնադարագիտության վաղվա օրն ավելի արգասավոր անենելու մտահոգությամբ։

Իր բեղմնավոր գիտական և գիտակազմակերպչական գործունեությունը Լ. Ս. Խաչիկյանը զուգակցում էր հասարակական աշխատանքի հետ։ Հայրենիքին մատուցած ծառայությունների համար նա պարգևատրվել է «Ժողովուրդների մարեկամության» շքանշանով և մեդալներով։ Նա Մեսրոպ Մաշտոցի անվան մրցանակի առաջին դափնեկիրն էր։

Լ. Ս. Խաչիկյանը կյանքից հեռացավ ստեղծագործական ուժերի ծաղկման շրջանում։ Մասնով տակ է վերջինս ավարտված «Հովհաննես Տեր-Պավլյան Զուղայեցու հաշվեմատյանը» ծավալուն ուսումնասիրությունը և բնագիրը, տպագրության է սպասում «Քրոմա Մեծփնցու մատենագրությունը» արժեքավոր հատորը, ուր ամփոփված են նրա տարիների քրոնաշան աշխատանքի արդյունքները։ Մատ մտահոգումներ, տասնյակ տարիների ընթացքում ամբարոված ձեռագրական նյութեր, որ նա մտադիր էր մարմնավորել մի շարք նոր գրքերում և հրապարակումներում, ցավոք սրտի, մնացին անավարտ։

Ականավոր գիտնականի, հայագիտության անխնշ մշակի և գիտության բազմահմուտ կազմակերպչի, բյուրեղյա աղնվության տեր, մարդու, քաղաքացու և կոմունիստի պայծառ հիշատակն ընդմիշտ կմնա գիտության պատմության մեջ, նրա գործընկերների և բոլոր ճանաչողների սրտերում։

ՍՆՆ ԱՐԵՎԵԱՏԱՆ
ՀՍՍՀ գիտությունների ակադեմիայի
բյուրակից-անդամ